

張聿青醫案

清 張聿青 著

上海科學技術出版社

清張聿青著

張聿青醫案

上海科学技术出版社

張 韋 青 醫 案

清 張 韋 青 著

上海科学技术出版社出版 (上海瑞金二路 450 号)

上海市书刊出版业营业登记证出 093 号

大东集成印刷厂印刷 新华书店上海发行所发行

开本 850×1168 1/32 印张 22 插页 4 排版字数 354,000
1963年7月第1版 1963年7月第1次印刷 印数 1—12,500

統一书号 14119•1109 定价(十) 2.90 元

出版說明

本書作者張聿青，名乃修，江蘇無錫人，生于公元一八四四年，卒于一九〇五年，年六十二歲。少時，因病棄儒書，承父業習醫，畢生勤于臨床，著述不多，且大半散佚，所存僅醫論若干篇及醫案數卷。其治醫專宗素難，取法長沙，同時又吸取各家之長，融會貫通，別具機杼。臨床診斷，善于辨證察色，尤長脈診，遇症情複雜虛實疑似時，往往能從脈象探討中求得真相。同時，極注意節令更易與病家生活細節對病機所引起的影響及變化，而及時作出相應措施，案中多可見之。又善用前人成法，能隨機變化，不爲成法所拘。例如下元虧損之用淡菜，哮喘之用洋糖炒石膏等等，顯係效法葉天士；又如肉桂秋石同用治療下焦病症之取法于滋腎通關，桂枝地骨皮同用治療勞熱自汗之取法于鱉甲散等等，俱見匠心獨運。

本書特點有二：其一爲頗多案語特長的病案，翻覆推敲，務在道出病的癥結，尤以連續接診的病案，自起病以迄痊愈，其中病機轉化的經過，辨證診斷的推求，與處方用藥的加減出入，先後遞承，層次銜接，從整個過程中可以體會出作者如何辨證用藥，如何掌握病變規律；另一特點是部分病案後的附註，概括扼要，都中肯綮，特別是作者自己的批註，具有啓發作用，值得吾人揣摩學習。本書初刻于公元一九一八年，此後雖曾翻印，流傳不多，因此整理重印。

例言

一是編次序，先外感，次內傷，次雜病，古則取法金匱，近則以準繩醫通諸家爲準。

一每病以主病爲綱，而相類者附之，如類中附於中風門是。

一六經病總名傷寒，而東南之區，眞傷寒少，溫病爲多。內經云，熱病者，皆傷寒之類也。南陽於中風傷寒後，即繼以溫病風溫兩條。難經則云傷寒有五。竊謂傷寒與溫病，南北對峙，傷寒可以該溫病，溫病亦可以該傷寒，在冬爲冬溫，在春爲風溫，在夏爲溫熱，長夏爲濕溫，交三伏後則爲伏暑，在秋爲秋燥，俗亦謂秋溫，此就時令言之也。南陽則以溫病之重者爲風溫，今人亦或謂之伏溫，故以風溫爲溫病之提綱，而冬溫溫熱秋燥皆附之。惟濕溫與伏暑截然不同，另立專門。鄙陋之見，向所得諸師承，加以數年之涉獵，略述編次之意如左。

一平時論著及改竄門下之作，先師向有編訂付刊之志，而未竟厥功，原稿爲哲嗣借出，去歲哲嗣云亡，追尋不得，姑將舊抄若干篇，附於本案之後。片鱗半爪，不忍拋棄，匯而集之，不屑貽譏於大雅也。

張聿青先生傳

門下士常熟蕭蛻撰

三吳古多良醫，明清之世，松江李中梓、常熟繆希雍、吳江徐大椿、吳縣葉桂、元和陸懋修，聞望著述，後先輝映，雖所詣有純駁，可謂卓然能樹立者矣。其後乃有無錫張聿青先生，先生諱乃修，父工醫，先生少承家學，益孟晉，覃思博稽，以仲景之書爲宗，而斟酌劉李朱薛諸家之說，論病處方，變化萬端，非姝守一先生之言者。平生論述甚多，散佚不存，僅得其緒論一二，其論霍亂云：霍亂熱多寒少，孟英固自言之。但其論寒熱二證，有一定之據，如熱病則於未病之前數日，先有目中溜火、肛門灼熱等象。然歷見患病者，一吐一瀉，無不肢冷粘汗，脈伏不起，大煩大渴，螺紋縮陷，甚則失音目陷，雖投白虎得生之熱證，未必於未病之前如孟英所云也。而投理中四逆得生之寒症，未必不煩不渴，神情狂越，與熱證相似也。村醫每見肢冷脈伏，不問口渴，不驗舌色，妄投四逆而霍然向愈。亦有肢冷脈伏，大煩大渴，渴而能飲，投白虎地漿而竟斃者。余以三十年閱歷，始知熱證於未病前先見火象之說，殊難爲信。惟一經芳開，熱象發現，對病用藥，方無誤治。蓋熱症有濕邪外遏，寒證爲陽氣閉塞，芳開之法，亦分溫清。然熱證而投以溫開，亦可透發，寒證而投以清開，則反凝澀，此大害也。尤可惡者，隨意呼名，如絞腸、吊

脚、癰螺之類，霍亂之甚者，螺文無不癰，經云：衛氣者所以溫分肉，充皮膚，肥腠理，司開合者也。霍亂則衛氣閉塞，譬如納手於水，濕氣抑遏，衛氣不行，亦致螺陷，即此意也。其論燥曰：秋分以後，或病咳熱，或渴或否，其變險也，氣喘痰鳴，痰厚而稠，斃者甚多，論者目爲風溫，此燥症也。秋令久燥，金乘所勝，所不勝來復，其克金也，勢若燎原。壯火食氣，則肺氣傷，火燥津液，則肺陰傷，粘痰，即被熬之津液也，然痰色多黃，則又挾濕，火爲燥之復氣，濕即燥之化氣也。吳鞠通謂伏氣爲火，化氣爲濕，復而且化，故痰兼濕黃，化少復多，故濕不能濟其燥。是知復氣傷肺，由內而起之枯燥，與天氣清冷之燥，判若霄淵，有舌可驗，有脈可憑，有象可稽也。晚年居滬上，名益重，遠方求治者踵相接。當是時，天下大醫，羣萃上海，青浦陳蓮舫、武進費繩甫尤著，其人善夤緣冒進，借聲勢，或稱御醫以撼庸俗，餌高糈，然其術亦淺。無慮內傷外感虛實寒熱，一切以不關病之藥，羈囿成方，以嘗試而已。先生初至少知者。一日林某喘作，人有言先生至，御醫陳蓮舫在焉，慢不爲禮。眎其方，皆玉蝴蝶、潤肺衣、厚朴花等一派似藥非藥者。先生曰：下材淺薄，請有所問，厚朴花性味何等也。陳曰：本草詳之耳。曰：本草多矣，若某某，若某某，吾皆誦習之，未見有此藥也，敢問何出。陳語塞，久乃言曰：大約與厚朴相似耳。先生正色曰：願君誠之。治病非兒戲，陳唯唯不能答。先生遂定方，用熟地、肉桂等。陳與病家皆難之。先生毅然曰：如不信，啜二之一，夜半知。

明日繼進，失事抵吾命可也。如其言，盡劑而安。由是論者翕然，僉謂先生之學，實有本矣。今略述其他治案，以備觀覽。朱葆三病脘痛吐涎水，脘中漉漉，得嘔而快。西醫治之不效。先生曰：此水飲傷胃也，乘其元氣未虛，尚可攻逐。用半夏黃連乾薑腹皮茯苓枳實竹茹控涎丹，服後瀉出冷水，嘔即平復。用苓桂朮甘加椒目數劑，脘舒洩行，尙有嘈雜，用苓連橘半桂芍蒺藜杏仁，通降抑木而瘳。丁姓溫邪大熱，大渴，煩躁神昏，紅疹隱約，醫用羚羊牛黃等劑不應。先生眎其目不瞑，知有痰濁，加遠志竺黃，病不減，再診舌絳中有薄白，時噤氣，肢冷，知爲濕遏熱伏，改用三仁去朴，加黃芩知母菖蒲，躁悶大退，紅斑遍發，用化斑湯重用犀角石膏而愈。龔氏婦咳嗽吐血，咽痛失音，內熱口燥，諸醫投養陰法無效，日羸削，先生詢其病得之感寒，瞿然曰：此諺所謂寒包火也。投麻杏甘膏蟬衣象貝桑葉茯苓黑歸藕節，咳退音清，繼進清咽寧肺而安。勞某，不寐經年，某名醫謂虛陽不斂，投養陰法及珠粉，屢服二十劑，胸悶胃鈍，仍不得寐。先生曰：此痰火也。予溫膽湯而瘳。楊子護濕溫三候，汗痞不得暢，背脊惡寒，熱勢起伏，羣醫束手。先生曰：此宜堅壁清野法，勿犯穀氣。以鬱金杏仁桔梗藿香薷苡通草滑石半夏等連服，使邪與濕分，氣行汗暢而愈。粵商林不納不饑，便閉四旬一行，醫謂陽虛，進苳蓉肉桂及半硫丸，仍不效。先生曰：此胃陰虛也。投甘涼而痊。巨商丁劇飲後醉而不醒，搖擲痙厥，醫謂挾陰傷寒。先生曰：此酒熱引

動肝陽耳。與鹹降法，一劑知，二劑已。龍湛霖患不寐，他醫初投溫補，繼以育陰，皆不驗。先生曰：此痰熱內阻，心腎不交也。用瑤琇珠母龍齒羚羊膽星半夏瓜蒌竹茹，二劑病失。方維卿痢劇發呃，七日夜不止，將治木矣。先生診其脈沉弦，審知有脘痛病，用瀉心加黑白丑丁香，一劑呃止，復用清六飲加二苓薏滑香砂琥珀，痢亦止。凡先生治驗，就所知者止此，及門百人，或更有悉其詳及神於此者，要其剖析豪鉞，洞徹癥結，原本經論，超然神解，不外乎此。先生卒年六十餘，至今稱張氏醫法。

蕭蛻曰：予二十七歲時，負笈先生門。觀其丰神清峻，音詞朗鬯，輒心儀之，以爲近世傑士隱於藝者，豈偶然也。醫雖小道，非有高世拔俗之想，輕財重義之風，不可以言深造。先生治病，遇貧賤者不取一錢，皆隨手效。昆季八九人，皆早世，卵翼羣從，各有名業。清光緒間詔徵天下名醫，諸貴人推轂，先生力却之。凡此皆人所難，即其志可以審其藝矣。

目錄

卷一

中風附類中 風溫附冬溫 溫熱 秋燥……(一)

卷二

濕溫……(四)

卷三

伏暑 瘧 諸寒熱 霍亂

丹痧附爛喉痧……(六)

卷四

虛損 內傷勞倦……(三)

卷五

咳嗽 肺痿肺癰 喘……(四)

卷六

吐血 衄血 蓄血 便血 溲血……(二七)

卷七

痰飲 痰濕痰氣 氣鬱……(三六)

卷八

肝火肝陽 肝風 眩暈 痙厥 痰火……(三六)

卷九

頭痛附頭風 腕痛 胸脅痛

腹痛附小腹痛 腰痛 身痛……(三一)

卷十

嘔吐附吞酸 吐衄 噎膈附反胃 泄瀉

痢 便閉 (三七)

卷十一

腫脹 黃瘰 痞氣 積聚附癥瘕 (三九)

卷十二

痿 風痺 麻木 消渴 (四二)

卷十三

遺精 淋濁 癰閉 洩數 陽痿

疝氣 痔 (四五)

卷十四

驚悸 不寐附多寐 汗 饕餮

癰癤附悲哭喜笑 呃忒附噎噎 (四六)

卷十五

咽喉附失音 目疾 牙痛 耳鳴 鼻淵 (五九)

卷十六

肩臂背痛 腿膝痛 腳氣 風疹 嵐瘴

蟲 童損 內癰 梅毒 瘰癧 (五四)

卷十七

調經 帶下 崩漏 胎前產後乳症 (五七)

卷十八

丸方 (六三)

卷十九

膏方 (六九)

卷二十

論著附評改門下各論 (六七)

張聿青醫案

張乃修聿青著

門下士江陰吳文涵玉純編輯
邵清儒正蒙附註

卷一

中風附類中

黎左 氣虛多濕之體，加以勞頓掣動陽氣，致陽氣挾痰上升，清曠之區，靈明之府，悉爲濁所瀰漫，以致神情呆頓，迷沉多睡，右手足運行不利，口眼喎斜。脈弦而滑，苔白質膩。此由肝氣挾痰，阻於心脾之絡，爲類中之症。刻在鴟張之際，恐陽氣復上而不語神昏，痰從內閉。姑先開竅滌痰，以備商進。

製半夏 二錢

枳實 一錢五分

廣橘紅 一錢

廣鬱金 一錢五分

菖蒲 七分

赤白苓 各二錢

炒遠志 五分

白殭蠶 二錢炒打

白蒺藜 三錢炒

製南星 七分

人參再造丸 一丸先化服

二診 神情略爲靈爽，沉迷多寐之象，亦覺稍退，脈象柔和，未始不爲起色。但右手足不能運用自如，

口眼喎斜，舌強言蹇，不飢不納，時見噤噤，似呃非呃。右關脈沉滑有力，舌苔白膩，中心焦黃。濁痰之瀰漫，心竅之閉阻，固得稍開，而火風鼓旋之勢，尚在熾盛。總期藥能續效，風火庶可救平耳。方草商之。

製半夏 一錢五分

瓜蒌仁 六錢打

遠志肉 甘草湯炒七分

枳實 一錢五分

製南星 七分

甜廣皮 一錢

風化霜 沖一錢五分

九節菖蒲 七分

鬱金 用明礬三分化水磨沖七分

人參再造丸 一丸

三診 昨云火風尚在熾盛之時。今面色帶紅，時欲起坐，即痰鬱化火，火從內擾之象。正虛火風互煽，此際大有出入。再當清化痰火，以制其勢。

羚羊片 一錢五分

天竺黃 三錢

枳實 一錢

茯苓 四錢

九節菖 五分

粉丹皮 一錢五分

廣鬱金 一錢五分

製半夏 一錢五分

廣橘紅 一錢

白殭蠶 一錢五分

竹瀝 一兩滴入薑汁少許

四診 昨臥甚安，起坐不寧之狀已定，面色紅赤較退，火象得以漸平。惟右半不遂，神呆不慧。其清曠之地，爲痰濕瀰漫，竅絡被阻，神機不運。不能一時開豁，惟徐以圖之而已。

製半夏 三錢

茯苓神 四錢

天竺黃 三錢

白殭蠶 三錢炒打

橘紅 一錢

遠志肉 甘草湯炒五分

陳膽星 七分

白蒺藜 去刺炒三錢

九節菖蒲 六分

枳實 二錢

竹瀝 八錢滴入薑汁少許

杜合蘇合丸 一丸兩次化服

五診 神情漸清，稍能言語，病勢大為轉機。然寐不甚長，心中稍覺躁熱。還是痰鬱化火內擾之象，未能欲速圖功。

製半夏

竹茹

遠志肉

茯神

天竺黃

枳實

陳膽星

瓜蒌仁

橘紅

菖蒲

礞石滾痰丸

三錢先服

六診 大便暢行，神情較爽，言語亦清，寐亦安穩。藥既應手，再以退為進。

陳膽星

九節菖蒲

橘紅

竹茹

茯苓

白蒺藜

製半夏

枳實

廣鬱金

遠志

煨天麻

白金丸

四分先服

七診 脈症相安，病勢逐日減退，幸矣幸矣。但飲食起居，急宜加意謹慎。若稍有感觸而至復中，則非才疏者所敢許治。

膽星

遠志

廣橘紅

製半夏

天竺黃

枳實

九節菖蒲

廣鬱金

竹茹

薑汁炒

雪羹湯

煎湯代水

八診 咳嗽大減，新感之邪漸解。言語亦漸能如舊，右手稍覺有力。治此者已覺應手，患此者未能滿意，所以李士材云：外邪已解，內邪已除，而言語蹇澀，半身不遂，未能即愈，宜久服六君兼補氣養陰之

品，使氣旺血盛，氣行而血灌注經絡，經絡既充，則舉動自若矣。第體豐者多濕多痰，所以治痰在先。今濕痰漸化，則以養血補氣之品，收效於後。擬方商正。

台參鬚

當歸

潞黨參

雲茯苓

製半夏

台白朮

白芍

炙綿耆

廣橘紅

桑枝

竹

瀝

滴入薑汁少許

馮右

肝風挾痰，中於府絡，驟然手足偏左不遂，口眼歪斜，言蹇舌強。若以中絡而論，尙無關於大局。但心中煩懊，烙熱如燎，時索涼物，有時迷睡，神識時清時昧，呃忒頻頻。脈弦大而數，舌苔白膩。府絡既阻，而痰火風復從內擾，神靈之府，爲之搖撼，所以懊懣莫名。痰在胸中，與吸入之氣相激，所以頻頻呃忒，飲食不得下咽。若再復中心絡，必至神昏不語，誠極險又極可虞之際也。勉擬清鎮護神，以禦其痰火風之直入，再參降胃化痰熄肝，即請商酌行之。

製半夏 一錢五分

天竺黃 三錢

旋覆花 絹包二錢

九節菖 五分

陳膽星 一錢

代赭石 四錢

煨天麻 一錢五分

茯苓神 各二錢

竹茹 水炒二錢

淨雙鉤 二錢

濂珠 三分

西黃 四厘二味研末梨汁先調服

二診 神迷轉清，煩懊較定，痰得咯吐而出，未始非鬆動之象。然心胸之熱，雖減於前，而猶團聚不化，時帶呃忒。脈形弦滑，舌苔厚濁。眩暈不能轉側。火風挾痰上旋，猶恐發瘧發厥。再泄木火以清痰熱。

川雅連 吳萸一分煎
汁炒四分

白芍 酒炒
二錢

製半夏 一錢

代赭石 三錢

黃芩 酒炒一
錢五分

廣皮 一錢

炙柿蒂 三箇

煨天麻 一錢
五分

旋覆花 絹包一
錢五分

鮮竹茹 二錢

生薑 打汁
三滴

三診 心中熱熾，日見輕鬆，舌強短縮，已能伸出牙關，略能進食，身體轉動，略為輕便，呃忒亦減，種種轉機之象。泄熱涼肝化痰，固屬一定之理。但頭昏眩暈，略一轉側，輒昏昏欲厥。脈形弦大。肝火風鳴張不熄，恐陰分劫燥，而舌起糜腐。

羚羊片 先煎
二錢

元參 三錢

黑豆衣 三錢

瓜蒌皮 三錢

石決明 五錢

池菊 二錢

鮮生地 洗打
六錢

鮮竹茹 一錢
五分

陳關蟄 一兩
洗淡

大葶薺 三枚拍碎二
味煎湯代水

四診 昨診痰火風劫陰，恐舌起糜腐，實症變成虛症。今診脈弦大漸轉細弱，舌胎果起白腐，上腭兩腮，均布糜點，呃忒雖止，而多言妄笑。五志之火，盡從上亢，而真水欲竭，不能相濟。一波未平，一波又起，恐藥力不足抵制。勉擬救陰泄熱，清護神明。

阿膠珠 蛤粉炒
三錢

細生地 四錢

川貝母 二錢

西洋參 一錢

生牡蠣 打先煎
五錢

大麥冬 去心
三錢

東白芍 酒炒一
錢五分

硃茯神 三錢

濂珠粉 四十分
兩次服

五診 糜腐較化，多言妄笑稍定，略思納穀，而食入中脘作痛。脈細弦轉大。陰分稍復，而火風鳴張之

下，風木干土。再育陰化痰，兼平肝木。

金石斛 四錢

半夏麴 一錢五分 鹽水炒

白蒺藜 三錢 去刺炒

鈎 鈎 三錢

女貞子 三錢

大天冬 三錢

川貝母 二錢

石決明 五錢 先煎

左金丸 七分 包煎

橄欖膏 三錢 沖

濂珠粉 三分 先服

六診 導心胃之熱下行，口糜大退，然猶未盡化，口舌作痛。每交陰分，輒心胸煩懊，無非陰虧火旺，火挾痰濕，上蒸胃口。得食則呃，亦食入與胃中之火相激耳。小溲熱痛，不能即出，大便七日不行。再導熱下行。

大生地 二錢

甘草梢 六分

川石斛 三錢

煨蛤粉 三錢

青竹葉 二十片

細木通 一錢

白茯苓 三錢

鮮竹茹 一錢 五分

涼膈散 包煎 四錢

七診 糜腐已退，口舌作痛亦減。胃口熏蒸之火，得以漸平，殊出望外。但肝氣甚旺，中脘不舒，甚至有形攻突，氣衝作呃，大便不行。再擬平肝調氣。

金鈴子 一錢 五分

白芍 一錢 土炒

刀豆子 磨三分 沖服

左金丸 七分 包煎

炒枳殼 一錢

乾橘葉 一錢

煨天麻 一錢

竹茹 一錢

炙柿蒂 三枚

八診 糜腐既退，未經復起，舌紅色亦漸轉淡，痛亦漸輕，眩暈多言妄笑，舌強發厥諸忌欸，次第而退。